

E C S O D U S.

bàs : ach do spréidh chloinn Israeil cha d'fhuair a h-aon bàs.

7 Agus chuir Pharaoh *teachdaire* uaith, agus feuch chàrobh eadhon a h-aon do spréidh nan Israeleach marbh. Agus chruadhaicheadh cridhe Pharaoidh, agus cha do leig e an sluagh air falbh.

8 Agus thubhairt an Tigh-earna re Maois, agus re h-Aaron, Gabhaibh dhuibh féin lan bhur glac^a do luaith teallaich^b, agus crathadh Maois i re nèamh ann an sealladh Pharaoidh.

9 Agus bithidh i 'na duflach min air feadh tìre na h-Eiphit uile, agus bithidh i 'na neasgaid a' briseadh a mach 'na bolgaibh air duine, agus air ainmhidh, air feadh tìre na h-Eiphit uile.

10 Agus ghabh iad luath na teallaich, agus sheas iad 'an làthair Pharaoidh, agus chrath Maois i re nèamh : agus rinn-eadh i 'na neasgaid a' briseadh a mach 'na bolgaibh air duine, agus air ainmhidh.

11 Agus cha b'urradh na druidhean seasamh 'an làthair Mhaois air son na neasgaid ; oir bha an neasgaid air na druidhibh, agus air na h-Eiphitich uile.

12 Agus chruadhaich an Tighearna cridhe Pharaoidh, agus cha d'éifd e riu ; mar a làbhair an Tighearna re Maois.

13 Agus thubhairt an Tigh-earna re Maois, Eirich suas gu moch 'fa' mhadainn, agus seas 'an làthair Pharaoidh, agus abair ris, Mar so tha'n Tighearna Dia nan Eabhuidheach ag ràdh, Leig le m' shluagh imeachd, a

chum as gu dean iad feirbhis dhomh.

14 Oir air an àm so cuiridh mise mo phlàighean uile air do chridhe-fa, agus air do sheirbhifich, agus air do shluagh ; a chum as gu'm bi fios agad nach 'eil neach ann cosmhuil riumsa 'san talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh ; agus gearrar as thu o'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhachd, agus gu'm biodh m'ainm iomraideach^c 'san domhan uile.

17 Am bheil thu fathaft 'gad ardachadh féin 'an aghaidh mo shluaigh, air chor as nach leig thu leo imeachd ?

18 Feuch, mu'n àm so maireach bheir mis' air cloich-mheallain ro-mhòir^d frasadh a nuas, nach robh a samhail 'san Eiphit, o'n là 'san do leagadh a bunachur^e eadhon gus a nis.

19 Uime sin a nis cuir *fios* uait, agus cruinnich do spréidh, agus gach ni a ta agad 'fa' mhachair ; oir air gach duine agus ainmhidh a gheibhear 'fa' mhachair, agus nach cruinnichear dhachaidh, thig a' chlach-mheallain a nuas, agus gheibh iad bàs.

20 An ti a ghabh eagal re' fhocal an Tighearna measg sheirbhifeach Pharaoidh, thug e air a sheirbhifich agus a spréidh teich-eadh do na tighibh.

21 Agus esan nach do ghabh fuim do fhocal an Tighearna, dh'fhag

^a bhur dorn

^b fuirneis, àmhuinn.

^c air fhoillseachadh, air a chraobh-